

सांवरिया ओळ्यू थारी आवे है रे

सांवरिया ओळ्यू थारी आवे है रे, सांवरिया ओळ्यू थारी आवे है रे,
म्हारे नैणा म समाओ, घनश्याम, कन्हैया ओळ्यू थारी आवे है रे !!
सांवरिया होद तो चिणाय दीन्यो रे, सांवरिया होद तो चिणाय दीन्यो रे,
म्हारे होदाँ म न्हावण न-२, आओ श्याम, सांवरिया ओळ्यू थारी आवे है रे !!
सांवरिया रसोयाँ बणाय दिनी रे, सांवरिया रसोयाँ बणाय दिनी रे,
म्हारी रसोयाँ जीमण ने आओ श्याम, सांवरिया ओळ्यू थारी आवे है रे !!
सांवरिया बाग तो लगाय दिन्या रे, सांवरिया बाग तो लगाय दिन्या रे,
म्हारा बागाँ म घूमण न-२, आओ श्याम, सांवरिया ओळ्यू थारी आवे है रे !!
सांवरिया भवन चिणाय दिन्या रे, सांवरिया भवन चिणाय दिन्या रे,
म्हारे आँगणीये खेलण न, आओ श्याम, सांवरिया ओळ्यू थारी आवे है रे !!
सांवरिया महल तो चिणाय दिन्या रे, सांवरिया महल तो चिणाय दिन्या रे,
म्हारे महलाँ म सोवण न, आओ श्याम, सांवरिया ओळ्यू थारी आवे है रे !!
सांवरिया "लक्ष्मी" करे है विनती, सांवरिया "लक्ष्मी" करे है विनती,
म्हाने भव सूँ पार लगाओ, -२, म्हारा श्याम, सांवरिया ओळ्यू थारी आवे है रे !!

<https://bhajanganga.com/bhajan/lyrics/id/615/title/sanwariya-rajasthani-bhajan-bindaj>

अपने Android मोबाइल पर [BhajanGanga](#) App डाउनलोड करें और भजनों का आनंद ले |